

ADDENDA ET CORRIGENDA.

In libello *de Lacedaemoniorum republica* c. I, 7. ad locum de liberorum procreatione ex aliena vxore variant interpretes in verbis αἱ τε γὰρ γυναῖκες βούλονται διττοὺς οἴκους κατέχειν explicandis, et dubitant, quid sit διττοὺς οἴκους κατέχειν. Sensum tamen manifestum facit locus Plutarchi in *Lycurgi et Numae comparatione* c. 4. et alter in vita Catonis iunioris c. 25. e quibus apparet, mulierem e domo et familiam mariti prioris transiisse in domum et familiam secundi despensam et elocatam a patre et a marito priore, ita ut communio et corporis et bonorum omnium omnis plane esset sublata. Plutarchus in *Comparatione Lycurgi et Numae de nuptiis eiusmodi* tanquam lege et moribus receptis loquitur; in *Catone* tamen Hortensii nuptias eum Marcia Catonis tanquam rem insolentem narrat. Strabo 11. p. 498. eundem Tapyrorum morem narrans παλαιὸν Ῥωμαϊών εἶθος dixit.

In libello *de republica Atheniensium* multa quidem supersunt loca vitiosa, sed ea felicioris ingenii et meliorum codicum auxilium expectant. In *disputatione de tempore et occasione libelli scripti eiusque auctore reperi* postea opinionis meae auctorem et cognitorem satis gravem, quem obiter nec satis accurate indicauit Weiskius, virum historiae et antiquitatis graecae peritissimum mihiique amicissimum, Manso, in cuius libro *de Spartae historia scripto* Vol. II. p. 496. extat annotatio de redditibus Atheniensium ciuitatis ad locum de republ. *Atheniensium* I, 17. Monet, libellum scriptum esse tempore illo, quo Athenienses imperium maris sine controversia obtinebant, et socios non solum tributarios habebant, sed